



Ofisi ya Udhiliti wa Magonjwa ya Kuambukiza

Maswali Yanayouлизwa Mara kwa Mara kuhusu Taarifa ya Chanjo ya COVID-19

Imesasishwa Mwisho: **Tarehe 25 Januari 2021**

Kusudi la hati hii ni kutoa maswali yanayouлизwa mara kwa mara na majibu kwa washirika wa afya ya umma na jamii ambayo yanaweza kutumiwa kusaidia kujibu maswali kutoka kwa jamii zao.

TAFADHALI KUMBUKA: Taarifa mpya au iliyosasishwa inaonekana katika maandishi ya rangi ya chungwa.

TAARIFA YA JUMLA

Je, kuna chanjo ya SARS-CoV-2 (COVID-19) iliyoidhinishwa na Usimamizi wa Chakula na Dawa (FDA)?

Ndiyo, Usimamizi wa Chakula na Dawa wa Marekani (FDA) umetoa Idhini za Matumizi ya Dharura (EUA) kwa chanjo mbili za COVID-19 ambazo zimeonyeshwa kuwa salama na madhubuti kama inavyoamuliwa na data kutoka kwa watengenezaji na matokeo kutoka kwa majoribio makubwa ya kikliniki. (Pfizer-BioNTech na Moderna)

Chanjo inatolewa vipi?

Chanjo zote mbili zinaingizwa kwenye misuli (“ndani ya misuli”). Chanjo ya ndani ya misuli kawaida hudungwa kwenye misuli ya bega iitwayo deltoid.

Inaumiza?

Kunaweza kuwa na usumbufu kama ilivyo kwa chanjo yoyote kwenye eneo lililodungwa sindano, lakini kawaida ni ya muda mfupi.

Je, ninapaswa kudungwa sindano mara ngapi?

Chanjo ya Pfizer COVID-19 na chanjo ya Moderna COVID-19, zinahitaji dozi mbili. Muda (au, nafasi) kati ya dozi ya 1 na ya 2 ya chanjo ya Pfizer ni siku 21. Muda (au, nafasi) kati ya dozi ya 1 na ya 2 ya chanjo ya Moderna, ni siku 28.

Ikiwa nitapata chanjo ya Covid-19, nipa swa kudungwa sindano ya pili ya chapa nyngine?

Hapana. Sindano ya pili lazima iwe chapa sawa na sindano ya kwanza.

Kinga itadumu kwa muda gani?

Hajifahamika bado ni muda gani mtu anayepata chanjo hiyo atakingwa: inaweza kuwa maisha yake yote, kama chanjo ya polio au inaweza kuwa mwaka mmoja, kama chanjo ya mafua. Wataalamu wanachunguza jambo hili ili kujifunza zaidi, na tutashiriki ushahidi mpya kadiri itakavyopatikana.

Je, nitahitaji kulipia chanjo ya COVID-19/Ninahitaji bima?

Hautatozwa chanjo ikiwa utapewa wewe katika eneo lilitengwa la serikali. Ikiwa unapokea chanjo kuititia mtoea huduma, unaweza kulipishwa ada ya usimamizi wa chanjo.

Je, kutakuwa na chanjo ya kutosha kwa kila mtu?

Ndiyo, hatimaye. Ugavi wa chanjo ya awali utakuwa mdogo kwa hivyo sio kila mtu atawezu kupewa chanjo mara moja. Chanjo ya COVID-19 itapewa watu walio katika hatari kubwa kwanza. Kwa mujibu wa mapendekezo kutoka kwa Mfumo wa Ugawaji Sawa wa Chanjo ya COVID-19 wa Taaluma za Kitaifa za Sayansi, Uhandisi na Dawa, mpango wa usambazaji wa awamu na usawa umetengenezwa kwa New Hampshire.

Je, ninaweza kufanya nini tunaposubiri chanjo?

COVID-19 inaendelea kusambaa katika jamii zetu. Unapaswa bado kutokaribiana na mtu yeote asiyeishi kwenye nyumba yako na utumie [barakoa ya kitambaa](#). Ikiwa haujihisi vizuri unapaswa kukaa nyumbani na [upimwe](#).

Je, mtu ambaye amepata chanjo kamili bado anaweza kusambaza COVID kwa wengine bila kujuia?

Hajafahamika bado, lakini inawezekana kwamba watu ambao wamepewa chanjo kamili au walioambukizwa hapo awali bado wanaweza kupata maambukizo yasiyo na dalili ya SARS-CoV-2, au COVID-19 hafifu. Kwa hivyo, hata watu ambao wamepewa chanjo kamili au walioambukizwa hapo awali wanahitaji kuendelea kutokaribiana na wengine, kuepuka makundi ya kijamii na mikusanyiko, na kuvaa barakoa wakati wote wanapokuwa katika maeneo ya umma.

AWAMU NA USTAHIKI

Ninaweza kupata chanjo wapi na lini?

Usajili kwa wakazi wa NH katika Awamu ya 1b utaanza tarehe 22 Januari saa 2:00 asubuhi (8:00am). Mchakato wa usajili na uratibu wa chanjo utatofautiana kulingana na vigezo vya kipaumbele vya mtu na eneo la kliniki ya chanjo:

- Watu wenye umri wa miaka 65 na zaidi wanapaswa kujisajili ili kupewa chanjo kwenye eneo maalumu kwa kutembelea <https://vaccines.nh.gov>. Watu wasio na upatikanaji wa mtandao wanaweza kupiga simu 2-1-1 kupata usaidizi wa usajili.
- Watu walio chini ya umri wa miaka 65 ambao wana hali fulani za kiafya wanahitaji kujisajili kuititia mtoe huduma wao wa afya ili kudhibitisha ustahiki.
- Watu wengine wa Awamu ya 1b wanapaswa pia kujisajili ili kupewa chanjo kwenye eneo maalumu kwa kutembelea <https://vaccines.nh.gov> (au kupiga simu 2-1-1 ikiwa hakuna upatikanaji wa mtandao), kuititia shirika lao (k.m. mfanyakazi wa hospitali), au kuititia kliniki ya chanjo iliyoandalialiwa na Mtando wa Mkoa wa Afya ya Umma (RPHN).

Kwa watu walio chini ya umri wa miaka 65 ambao wanahitaji uthibitishaji wa hali ya kimatibabu kabla ya chanjo:

- Watoa huduma ambao wanaweza kufikia chanjo watatoa chanjo kwa wagonjwa wao wenye na watajisajili na kuratibu wagonjwa wanaostahiki kwa kliniki zilizoandalialiwa kuititia shirika lao la afya.
- Watoa huduma ambao hawawezi kufikia chanjo watawapeleka wagonjwa kwenye eneo maalumu. Mara tu mtoe huduma atathibitisha ustahiki, mgonjwa atapokea mwaliko wa barua pepe kuratibu chanjo kwenye eneo maalumu. Kwa wagonjwa wasiokuwa na barua pepe, DPHS itawasiliana nao kusaidia kuratibu miadi.
- Watu wasiokuwa na mtoe huduma ya afya wanapaswa kupiga simu 2-1-1 ili kuunganishwa na mtoe huduma ya afya katika eneo lao.

Endelea kufutilia taarifa zaidi kuhusu awamu za baadaye. ([Ukurasa wa Taarifa ya Chanjo](#))

Sina upatikanaji wa mtandao na ninataka kujisajili kwa chanjo wakati usajili unafunguliwa. Kuna mtu atakayeweza kunisaidia kujisajili?

Wakati usajili wa chanjo ya 1b unafunguliwa mnamo 1/22/21, Ofisi ya Uratibu wa NH COVID (CCO) itaundwa ili kusaidia watu kujisajili. Unaweza kupiga simu 2-1-1, na unapoombwa kujibu, bofya chaguo kuhusu kusajili chanjo. Tafadhali kuwa na subira kwani tunatarajia kunaweza kuwa na nyakati ndefu za kusubiri kuunganika na kituo cha huduma ya wateja. Kwa sababu hii, tunahimiza mtu yeote ambaye anaweza kutumia mtandao kujisajili mtandaoni.

PCP wangu yuko katika jimbo lingine. Mchakato wa rufaa utawezekanaje kwangu?

Utafuata mchakato huo huo wa rufaa kama mtu ambaye daktari wake yuko NH.

Nina nyumba katika NH lakini makazi yangu ya msingi ni katika jimbo lingine. Ninaweza bado kupata chanjo katika NH?

Kwa wakati huu, wakazi wasio wa New Hampshire hawawezi kupewa chanjo katika kliniki za chanjo za New Hampshire isipokuwa ikiwa mtu huyo ni mfanyakazi wa biashara au shirika huko New Hampshire ambalo limepewa kipaumbele kwa chanjo (yaani mhudumu wa afya, mwitikiaji wa kwanza, wafanyakazi wa kituo cha marekebisho, au anafanya kazi katika kituo cha makazi ya watu wenye ulemavu wa akili au ukuaji). Wakazi wasio wa New Hampshire wanapaswa kutafuta chanjo kuititia michakato ya jimbo lao. Unapaswa kupewa chanjo katika jimbo la makazi yako ya msingi. Ikiwa una leseni ya udereva unapaswa kupewa chanjo katika jimbo ambalo lilitoa leseni yako ya udereva.

Je, unajisajili vipi kwa ajili ya kudungwa sindano ya pili?

Baada ya kudungwa sindano yako ya kwanza, utapata barua pepe na/au kumbusho la arafa kuratibu sindano yako ya pili. NH imepanga na kujitolea kutenga sindano ya pili kwa kila mtu ambaye anadungwa sindano yake ya kwanza.

Je, nitahitaji kutoa nini wakati ninajisajili kwa ajili ya chanjo mtandaoni?

Wakati wa kusajili kwa ajili ya chanjo utaulizwa jina lako, tarehe ya kuzaliwa, anwani ya nyumbani, barua pepe, na nambari ya simu. Baada ya kusajili mtandaoni utapata barua pepe ambayo itakuruhusu kuingia na kuchagua eneo unalopendelea, tarehe, na wakati. Kwa wakati huu hatujui muda ambaoutapita kati ya kusajili na kupokea barua pepe ya uthibitisho.

Je, uthibitisho wa kitu chochote utahitajika wakati wa mchakato wa usajili?

Mtu huyo hahitaji mojawapo ya hati zilizoorodheshwa hapa chini kujisajili, lakini atahitaji kuleta angalau hati moja anapofika kupata chanjo yake:

- Leseni ya Dereva ya NH au kadi ya Kitambulisho ya Asiyé Dereva ambayo ni halali na haijaisha muda wake.
- Hundi ya mishahara, hati ya mishahara, au kandarasi ya ajira inayoonyesha anwani halali ya mtu binafsi ya New Hampshire, iliyowekwa tarehe ndani ya siku 60 zilizopita.
- Malipo yaliyotolewa na serikali (yaani, usalama wa kijamii) yanayoonyesha anwani halali ya mtu binafsi ya New Hampshire, iliyowekwa tarehe ndani ya siku 60 zilizopita

Je, kuna orodha ya maeneo ambayo chanjo itasambazwa?

Utaweza kuchagua eneo la chanjo yako unaporatibu miadi yako.

Je, watoto wanaweza kupata chanjo?

Hivi sasa, hakuna chanjo inayopatikana inayoidhinishwa kutumiwa kwa watu walio chini ya umri wa miaka 16. Watoto watapewa fursa ya kupata chanjo baadaye. Wakati majoribio ya kikliniki yanapanuka, tutajua zaidi kuhusu usalama wa chanjo kwa watoto.

Nina ujauzito. Ninaweza kupata chanjo?

Ikiwa una ujauzito kwa sasa, tunaomba uzungumze kuhusu hatari na faida za chanjo na mtoa huduma wako. Chanjo mpya za COVID-19 hazijachunguzwa kwa wanawake wajawazito, kwa hivyo hatuna taarifa nyingi kuhusu usalama na ufanisi wao wakati wa ujauzito. Hata hivyo, kwa sababu chanjo hizi za COVID-19 HAZINA virusi hai, na kwa sababu chembe za virusi vya mRNA huvunjika haraka mwilini mwako baada ya kutumiwa kuunda mwitikio wa kinga, tunafikiria hatari ya chanjo kwako na kwa mtoto wako ambaye hajazaliwa ni mdogo. Tunajua pia kwamba maambukizo halisi na COVID-19 wakati wewe ni mijamzito yanaweza kuongeza hatari yako ya kupata ugonjwa mbaya ambao unaweza kusababisha kulazwa hospitalini, au hata kifo. Na COVID-19 inaweza kukuweka katika hatari kubwa ya matokeo mabaya ya ujauzito, kama kuzaa kabla ya wakati. Kwa hivyo, tunafikiria kwamba hata wanawake wajawazito watafaidika na chanjo lakini tunaomba ujadili jambo hili na mtoa huduma wako anayekujuwa wewe na mtoto wako vyema zaidi.

Unaweza pia kupata taarifa zaidi kwenye: <https://www.cdc.gov/coronavirus/2019-ncov/vaccines/recommendations/pregnancy.html>.

USALAMA

Je, tutajuaje ikiwa chanjo ya COVID-19 iko salama?

Mchakato wa majoribio ya chanjo haujabadilika. [Operesheni ya Kasi Sana](#) imeruhusu majoribio kuendelea haraka kwa sababu ya ufadhili wa shirikisho, bila kuathiri usalama. Wakati wa maendeleo umefupishwa, lakini michakato yote ya kawaida iko kwa ajili ya usalama kama vile majoribio makubwa ya kikliniki, ambayo yanajumuisha idadi tofauti ya watu (kama wazee au watu wa idadi ndogo), hakiki huru na Kamati ya Ushauri ya Chanjo (ACIP) ya FDA na CDC na wataalamu wetu wa jimbo.

Nilikuwa na COVID-19. Bado ninafaa kupewa chanjo?

Ndiyo. Isipokuwa ikiwa kwa sasa umeambukizwa COVID-19, unapaswa kupata chanjo. Uchunguzi umeonyesha kuwa baadhi ya watu wanaweza kupata ugonjwa huo zaidi ya mara moja. Hata hivyo, ikiwa ulitibiwa dalili za COVID-19 na kingamwili za monoclonal au plasma ya waliopona, unapaswa kusubiri siku 90 kabla ya kupata chanjo ya COVID-19.

Je, nitaweza kuacha kuвая barakoa na kutokaribiana na watu ikiwa nitapata chanjo?

Hapana. Wakati wataalamu wanajifunza zaidi kuhusu kinga ambayo chanjo ya COVID-19 hutoa katika hali halisi za maisha, itakuwa muhimu kwa kila mtu kuendelea kutumia zana zote zinazopatikana kwetu kusaidia kumaliza janga hili-funika mdomo na pua yako kwa barakoa, nawa mikono mara kwa mara, na ukae angalau futi 6 mbali na wengine. Pamoja, chanjo ya COVID-19 na kufuata mapendekezo ya CDC kutatoa kinga bora kutokana na kupata na kueneza COVID-19. Wataalamu wanahitaji kuelewa zaidi kuhusu ulinzi ambao chanjo ya COVID-19 hutoa kabla ya kuamua kubadilisha mapendekezo ya sasa. Sababu nyingine, kama vile watu wangapi watapata chanjo na jinsi virusi vinavyoenea katika jamii, pia zitaathiri uamuzi huu.

Je, ninaweza kupata COVID-19 kutoka kwa chanjo?

Hapana. Chanjo ya COVID-19 haiwezi kukupa ugonjwa. Kwa taarifa zaidi tembelea [tovuti ya CDC](#).

Nina kinga ya mwili iliyoathirika. Ni salama kwangu kupata chanjo?

Labda ndiyo, lakini unapaswa kushauriana na mtoa huduma wako wa afya kuhusu wasiwasi wako maalumu.

Ninaishi na mtu ambaye kinga yake haifanyi kazi vizuri. Ni salama kwangu kupata chanjo?

Ndiyo. Kwa sababu ya njia ambayo chanjo imetengenezwa, haiwezi kukupa ugonjwa na kwa hivyo huwezi kuambukiza mtu mwingine kwa kupata chanjo.

Ninaelewa chanjo inaonekana kuwa salama, lakini itakuwaje ikiwa nitaugua kutokana na chanjo?

CDC na FDA zinahimiza umma kuripoti athari za baadaye zinazowezekana (zinazoitwa matukio mabaya) kwa [Mfumo wa Kuripoti Matukio Mabaya ya Chanjo \(VAERS\)](#). Mfumo huu wa kitaifa hukusanya data kutafuta matukio mabaya ambayo hayajatarajiwa, yanaonekana kutokea mara nyingi kuliko ilivyotarajiwa, au yana ruwaza zisizo za kawaida. Kuripoti kwa VAERS husaidia CDC kufuatilia usalama wa chanjo. Usalama ni kipaumbele cha juu.

Watoa huduma ya afya watahitajika kuripoti matukio fulani mabaya kwa VAERS. CDC pia hutumia zana mpya inayotegemea simu mahiri inayoitwa [v-safe](#) kuangalia afya ya watu baada ya kupokea chanjo ya COVID-19. Unapopokea chanjo yako, unapaswa pia kupokea karatasi ya taarifa ya v-safe inayokuelezea jinsi ya kujianidikisha katika v-safe. Ukijiandikisha, utapata arafa za kawaida na tafiti ambapo unaweza kuripoti matatizo yoyote au athari mbaya ulizonazo baada ya kupokea chanjo ya COVID-19.

SHULE NA BIASHARA

Je, chanjo za COVID-19 zitaongezwa kwenye orodha ya chanjo za lazima kwa shule?

Kwa wakati huu, Idara ya Afya na Huduma za Binadamu (DHHS) haina mpango wa kuongeza chanjo za COVID-19 kwenye orodha ya chanjo za lazima kwa shule. Kwa kuongezea, chanjo ya Pfizer-BioNTech COVID-19 kwa sasa imeidhinishwa tu

kutumika kwa watu wenye umri wa miaka 16 na zaidi na chanjo ya Moderna COVID-19 imeidhinishwa tu kutumika kwa watu wenye umri wa miaka 18 na zaidi. Kwa hivyo, chanjo hizi hazitahitajika kwa wanafunzi wengi.

DHHS, kupitia mchakato wa kutunga sheria, inaruhusiwa kuongeza chanjo kwenye orodha ya chanjo za lazima kwa shule chini ya RSA 141-C: 20-a, II. Sheria ya Jimbo inatoa misamaha kwa chanjo za lazima kwa shule ambazo zinaweza kupatikana katika RSA 141-C: 20-c.

Je, wilaya ya shule inaweza kuhitaji wanafunzi kupata chanjo ya COVID-19 ambayo haimo kwenye orodha ya lazima ya Jimbo ili kuhuduria shule?

Hapana. Sheria ya Jimbo tayari inatoa mchakato wa kuamua ni chanjo gani ambazo ni lazima kwa wanafunzi. Sheria ya Jimbo inazuia wilaya za shule, ambayo inamaanisha wilaya ya shule haiwezi kuagiza wanafunzi kupata chanjo ambayo haimo kwenye orodha ya lazima ya Jimbo ili kuhuduria shule.

Je, Jimbo linapendekeza waajiri na wafanyabiashara kuamuru chanjo ya COVID-19 kwa wafanyakazi au wateja?

Hapana. Kwa sababu chanjo za Pfizer-BioNTech na Moderna COVID-19 zimeidhinishwa kupitia Idhini ya Matumizi ya Dharura, Jimbo halikusudii kuamuru chanjo hizi kwa njia yoyote na kwa ujumla halipendekezi kwamba chanjo hizi (au chanjo nyingine yoyote ya COVID-19 iliyoidhinishwa kupitia EUA) kuamuriwa kwa wafanyakazi au wateja. Sababu za pendekezo hili ni pamoja na:

- Ugumu wa maswala ya kisheria yanayohusu maagizo ya chanjo yaliyoidhinishwa kupitia EUA;
- Ugumu wa kuamua jinsi ya kutekeleza maagizo ya chanjo yaliyoidhinishwa kupitia EUA wakati chanjo haziwezi kuidhinishwa au kupendekezwa kwa kila mtu;
- Maswali ya usawa na haki ambayo mamlaka huuliza wakati chanjo ya Pfizer-BioNTech na Moderna COVID-19 au chanjo nyingine za COVID-19 hazitapatikana kwa idadi ya watu wote kwa wakati mmoja; na
- Ukweli kwamba Jimbo la New Hampshire halina na halitatekeleza aina yoyote ya udhibitisho wa chanjo sare kwa madhumuni ya kutekeleza agizo hili.

Je, biashara inapaswa kuzingatia nini kabla ya kuweka agizo la chanjo ya COVID-19?

Ikiwa mwajiri au mfanyabiashara anataka kuagiza chanjo ya Pfizer-BioNTech au Moderna (au chanjo nyingine zilizoidhinishwa za COVID-19) kwa wateja au wafanyakazi, mwajiri au mfanyabiashara hiyo anapaswa kukagua majibu ya maswali yaliyo hapa chini. Kwa kuongeza, mashirika fulani yanaweza kukabiliwa na hali maalumu ambazo hazijazingatiwa hapa. Waajiri na mashirika mengine watataka kuzingatia kwa uangalifu athari zote za agizo la chanjo na wakili wao wa kisheria. Majibu yaliyo hapa chini yanadhania kuwa chanjo zinazingatiwa tu kwa wafanyakazi au wateja ambao wako katika vikundi vyta watu ambao chanjo imeidhinishwa na kupendekezwa na hakuna vizuizi vyovypole vilivyowekwa kama sehemu ya mchakato wa uidhinishaji wa EUA.

Je, mwajiri anaweza kuhitaji wafanyakazi wake kupata chanjo ya COVID-19 ili waje kufanya kazi?

Ndiyo. Kwa ujumla, waajiri wana haki ya kutekeleza mpango wa lazima wa chanjo. Kwa kweli, waajiri, kama vile wahudumu wa afya na watoa huduma ya watoto, wanahitaji chanjo ya homa kila mwaka. Hata hivyo, mipango ya lazima ya chanjo inayosimamiwa na mwajiri inaweza kuhitaji maswali ya uchunguzi wa mapema ambayo lazima yahusiane na kazi na yalingane na hitaji la biashara. Waajiri wanapaswa kuzingatia kwa uangalifu athari zote za agizo la chanjo na kuwasiliana na wakili wao wa kisheria. Mipango ya lazima ya chanjo lazima iwe bila ubaguzi kwa asili, na waajiri wanaweza kuhitajika kufanya makazi kwa wafanyakazi chini ya sheria za shirkisho kama Sheria ya Wamarekani walio na Ulemavu (ADA), Sheria ya Haki za Kiraia na sheria nyingine za Jimbo na shirkisho dhidi ya ubaguzi. Tume ya Fursa Sawa ya Ajira (EEOC), ambayo inasimamia sheria za shirkisho kuhusu ubaguzi, imetoa mwongozo kuhusu mipango ya chanjo mahali pa kazi, pamoja na chanjo za COVID-19. Tazama Unachopaswa Kujua Kuhusu COVID-19 na ADA, Sheria ya Urekebishi, na Sheria nyingine za EEO. Waajiri wengine wanaweza pia kuhitaji kuzingatia mahitaji ya kujadiliana kwa pamoja.

Je, wilaya ya shule inaweza kuhitaji walimu kupata chanjo ili waje kufanya kazi?

Wilaya ya shule itachukuliwa kama waajiri wengine. Kwa kuongeza, wilaya za shule zinaweza kuhitaji kuzingatia mahitaji ya kujadiliana kwa pamoja.

Je, biashara inaweza kuhitaji wateja kuonyesha uthibitisho wa chanjo ya COVID-19 ili kufanya ununuzi kwenye biashara hiyo?

Kwa ujumla ndiyo, mradi tuuthibitisho wowote unaohitajika unafanywa chini ya ADA na biashara inatii vifungu vyovoyote vinavyotumika vya Sheria ya Haki za Kiraia na sheria nyingine zozote dhidi ya ubaguzi za jimbo na shirikisho. Wafanyabiashara wanapaswa kuzingatia kwa uangalifu athari zote za agizo la chanjo na kuwasiliana na wakili wao wa kisheria. Jimbo la New Hampshire halipendekezi aina hii ya agizo na halitatekeleza udhibitisho wa chanjo sare kwa madhumuni ya kutekeleza agizo hili.

MAWASILIANO NA TAARIFA MUHIMU

Mada/Swali	Anwani ya Mawasiliano	Simu/Barua pepe
▪ Taarifa ya Jumla ya COVID www.nh.gov/covid19	2-1-1 New Hampshire	1-866-444-4211 TTY: 603-634-3388
▪ Usajili wa Chanjo	vaccines.nh.gov au ikiwa hakuna upatikanaji wa mtandao: 2-1-1 New Hampshire	1-866-444-4211 TTY: 603-634-3388
▪ Maswali ya Jumla kuhusu Chanjo	2-1-1 New Hampshire	covidvaccine@dhhs.nh.gov

Nyenzo Nyingine

- [Kituo cha Kudhibiti Magonjwa \(CDC\)](#)
- [Jarida la Jumuiya ya Madaktari ya Marekani \(JAMA\)](#)
- [Ushirikiano wa Mawasiliano ya Afya ya Umma](#)
- [Ukurasa wa Taarifa ya Chanjo ya NH DHHS](#)
- [Awamu za Chanjo ya COVID-19 za New Hampshire](#)
- [Maswali Yanayouliwa Mara kwa Mara ya Chanjo ya NH DHHS COVID-19 kwa Watoa Huduma za Afya na Washirika wa Afya ya Umma](#)